



**ГОВЬСҮМБЭР АЙМАГ ДАХЬ  
ТӨРИЙН АУДИТЫН ГАЗАР**

42015 Говьсүмбэр аймаг, Сүмбэр сум, 3 дугаар баг  
Утас/Факс: 976-7054 3179  
И-мэйл: goviusumber@audit.gov.mn

**АЙМАГ, СУМДЫН ИРГЭДИЙН  
ТӨЛӨӨЛӨГЧДИЙН ХУРЛЫН ЭЭЛЖИТ  
СОНГУУЛЬД ОРОЛЦОХ УЛС ТӨРИЙН  
НАМ, ЭВСЭЛД**

2024.06.12

№

177

танай \_\_\_\_\_ -ны № \_\_\_\_\_ -т

**Мөрийн хөтөлбөрт дүгнэлт гаргах  
тухай**

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт түүний удирдлагын тухай хуулийн 5 дугаар зүйлийн 5.3, 5.4 дэх хэсэгт заасны дагуу Төрийн аудитын байгууллага орон нутгийн сонгуульд оролцох нам, эвслийн мөрийн хөтөлбөрийг хянаж, дүгнэлт гаргахаар заасан. Энэхүү зохицуулалтын хүрээнд Говьсүмбэр аймаг дахь Төрийн аудитын газар сонгуульд оролцох нам, эвслийн мөрийн хөтөлбөрт аудит хийх бэлтгэл ажлыг эхлүүлээд байна.

1. Аудитыг Төрийн аудитын тухай хууль, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн хүрээнд MNS 6817:2020 - Төрийн аудитын стандартын дагуу гүйцэтгэх ба дараах чиг үүргийг хэрэгжүүлнэ. Үүнд:

1.1. Улс төрийн, нам эвслийн сонгуулийн мөрийн хөтөлбөрт орсон зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль болон мөн хуулийн 37 дугаар зүйлийн 37.3-т заасан мөрийн хөтөлбөрт тусгахыг хориглосон заалт байгаа эсэхийг хянах;

1.2 Мөрийн хөтөлбөр нь Улсын Их хурлаас баталсан хөгжлийн бодлого, төлөвлөлтийн баримт бичигт нийцсэн эсэхийг хянах;

1.3 Улс төрийн нам, эвслийн сонгуулийн мөрийн хөтөлбөрт орсон зорилт, арга хэмжээ нь хуульд заасан Монгол Улсын хөгжлийн урт хугацааны бодлогын баримт бичигт нийцсэн эсэх болон санхүүгийн тодорхой эх үүсвэр шаардсан арга хэмжээг хэрэгжүүлэхэд гарах зардлын дүн нь Төсвийн тогтвортой байдлын тухай хуульд заасан төсвийн тусгай шаардлагад нийцсэн эсэхийг хянах;

1.4 Тодруулах зүйлсийг тухай бүр мэдэгдэх бөгөөд аудитын явцад удирдлагаас нэмэлт мэдээлэл, тайлбар авах;

1.5 Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.9-д заасны дагуу сонгуулийн мөрийн хөтөлбөр нь хуульд заасан шаардлага хангаагүй тохиолдолд тав хоногийн дотор зөрчлийг арилгасны үндсэн дээр дахин дүгнэлт гаргах зэрэг болно.

Нам эвслээс ирүүлсэн сонгуулийн мөрийн хөтөлбөр нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуульд нийцэж байгаа эсэх дүгнэлтийг хуулийн хугацаанд тухайн шатны сонгуулийн хороонд хүргүүлнэ.

2. Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн дагуу нам, эвслийн удирдлага дараах үүрэг хариуцлагыг хүлээнэ. Үүнд:

• 008020153

2.1. Нам, эвсэл нь мөрийн хөтөлбөртөө дүгнэлт гаргуулахаар 06 дугаар сарын 25-ны өдрөөс өмнө төрийн аудитын орон нутаг дахь салбар байгууллагад хүргүүлсэн байх /Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37.6/

2.2 Нам, эвсэл нь сонгуульд оролцох хүсэлтийг санал авах өдрөөс 60-аас доошгүй хоногийн өмнө илэрхийлэхдээ дээрх дүгнэлтийг гаргуулсан байхыг /Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 25 дугаар зүйл, мөн зүйлийн 25.3.4, 25.4.4/

2.3 Нам, эвслийн сонгуулийн мөрийн хөтөлбөр нь хуульд заасан шаардлага хангаагүй тохиолдолд тав хоногийн дотор зөрчлийг арилгасны үндсэн дээр дахин дүгнэлт гаргуулах

2.4 Нам, эвслийн сонгуулийн мөрийн хөтөлбөр болон түүнд дүгнэлт гаргахад шаардагдах мэдээлэл /энэхүү захидлын нэг ба хоёрдугаар хавсралт/, мөн мөрийн хөтөлбөрийн 3 эх хувийг хэвлэмэл байдлаар, хувийг /файл хэлбэрээр/ дугтуйнд хийж битүүмжлэлтэйгээр аймгийн Засаг даргын Тамгын газрын 2 давхарт Говьсүмбэр аймаг дахь Төрийн аудитын газрын 206 тоотод ажлын цагаар хүлээлгэн өгнө. Дугтуйн дээр намын нэрийг гаргацтайгаар бичсэн байна.

Иймд аудит гүйцэтгэх цаг хугацаанд сонгуульд оролцох нам, эвсэл, дөрвөн жилийн хугацаанд хэрэгжих мөрийн хөтөлбөрийг шаардлагатай баримт, материалын хамт ирүүлэх, аудитын зорилгоор хүссэн нэмэлт тайлбар, мэдээллийг бичгээр баталгаажуулж өгөх, аудитын нотолгоог олж авах нөхцөл боломжоор ханган ажиллана уу.

Дээрх чиг үүргийг хэрэгжүүлэхтэй холбоотойгоор тухайн нам, эвслийг төлөөлөн шууд харилцах эрх бүхий албан тушаалтныг томилж, холбогдох нотлох баримтын хамт ирүүлж, уг албан тушаалтан өөрчлөгдөх бүрд Говьсүмбэр аймаг дахь Төрийн аудитын газар бичгээр мэдэгдэнэ үү.

Аудитыг хуулиар тогтоосон хугацаанд гүйцэтгэхэд харилцан хүлээсэн үүргээ хэрэгжүүлж хамтран ажиллана гэдэгт итгэж байна.

Жич: Талуудын харилцан хүлээх үүрэг, хариуцлага болон бидний гүйцэтгэх аудитын нөхцөлтэй танилцсан гэдгээ илэрхийлж хариуг албан ёсоор ирүүлнэ үү.

Хавсралт ... хуудастай

ДАРГА, ТЭРГҮҮЛЭХ АУДИТОР



Б.САРАНТУЯА

Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д заасан дүгнэлт гаргахтай холбогдуулан улс төрийн нам, эвслээс мөрийн хөтөлбөрийн хавсралтаар ирүүлэх мэдээлэл

№	Нам, эвслийн мөрийн хөтөлбөрт тусгагдсан зорилт, арга хэмжээ	Шаардагдах санхүүгийн эх үүсвэрийн тооцооллыг хийхдээ төсвийн төсөөллийг баримталсан эсэх (Тийм, Үгүй)	Төсвийн тогтвортой байдлын тухай хуулийн аль заалтад хамаарч буй	Монгол Улсын хөгжлийн бодлогын баримт бичгийн нэр, холбогдох заалтыг бичих	Тайлбар
	1	2	3	4	5
1	Жишээ: Цахилгаан эрчим хүчээр дотоодын хэрэгцээг 87.7 хувь хангана.	Жишээ: Тийм Санхүүжилтийн эх үүсвэр Усан цахилгаан станцын төслийн нийт хөрөнгө оруулалт 818 тэрбум төгрөг, ОУБСБ-аас хөнгөлөлттэй зээлийн хөрөнгөөр 95 хувийг, улсын төсвөөс 5 хувийг санхүүжүүлнэ. Дулааны станцад нийт 806.2 сая ам долларын хөрөнгө оруулалт шаардлагатай бөгөөд эх үүсвэрийг төр хувийн хэвшлийн түншлэлээр санхүүжүүлэхээр нийт хөрөнгө оруулалтад ТХХ түншлэл, улсын төсвийн хөрөнгө оруулалтын харьцаа 70:30 байхаар тооцоолов. Төсвийн төсөөлөл, төсвийн хүрээний мэдэгдэлтэй уялдуулж, 3 жилийн хугацаанд санхүүжүүлэхээр төлөвлөсөн.	Жишээ: 17 дугаар зүйлийн 17.4	Жишээ: Алсын хараа 2050, ЭЗ-ийн тэргүүлэх чиглэлүүд, Зорилт 4.2-ын 8 дах заалт	

Жич:  
 -2 дугаар баганад шаардлагатай санхүүгийн эх үүсвэрийг тооцоолохдоо төсвийн төсөөлөл, төсвийн хүрээний мэдэгдлийг баримталсан эсэх  
 -3 дугаар баганад Төсвийн тогтвортой байдлын тухай хуульд нийцэж буй заалтыг тодорхой бичнэ.  
 -4 дүгээр баганад Монгол Улсын хөгжлийн бодлогын ямар баримт бичгийн аль заалтыг үндэслэл болгосныг тодорхой бичнэ.

Мэдээллийг бэлтгэсэн \_\_\_\_\_ төлөөлж  
 Нам/эвслийн/нэр

(тэмдэг) \_\_\_\_\_ төлөөлж  
 Албан тушаал Овог нэр гарын үсэг

(тэмдэг) \_\_\_\_\_ төлөөлж  
 Албан тушаал Овог нэр гарын үсэг

2024 оны .... сарын .... Өдөр

Аймаг, нийслэл, сум, дүүргийн иргэдийн Төлөөлөгчдийн Хурлын сонгуульд оролцох нам эвсэл, бие даан нэр дэвшигчийн мөрийн хөтөлбөрийн талаар ирүүлэх мэдээлэл

№	Нам, эвслийн мөрийн хөтөлбөрт тусгагдсан санхүүгийн тодорхой эх үүсвэр шаардсан зорилт, арга хэмжээ	Хамрах хугацаа	Шаардагдах санхүүгийн эх үүсвэр (Хөгжлийн бодлого, төлөвлөлт, түүний удирдлагын тухай хуулийн 20.2.1-20.2.6 дахь заалт)	Шаардагдах санхүүгийн эх үүсвэрийн нийт дүн	Шаардагдах санхүүгийн эх үүсвэрийн хэмжээ төсвийн жил бүрээр (сая төгрөгөөр)				Тайлбар
					202..	202..	202..	202..	
	1	2	3	4	5	6	7	8	9
1	<b>Жишээ:</b> Цахилгаан эрчим хүчээр дотоодын хэрэгцээг 87.7 хувь хангана.	<b>Жишээ:</b> 2024-2028	<b>Жишээ:</b> 20.2.1 улсын төсөв; 20.2.2 гадаадын зээл 20.2.5 төр, хувийн хэвшлийн түншлэлийн гэрээ;	<b>Жишээ:</b> 1,626,200.0 сая төгрөг	<b>Жишээ:</b> 406.6	<b>Жишээ:</b> 406.6	<b>Жишээ:</b> 406.6	<b>Жишээ:</b> 406.6	

Жич:  
-3 дугаар баганад шаардагдах санхүүгийн эх үүсвэр нь ХБТТУХ-ийн 20.2.6 ахь заалтад хамаарна гэж мэдээлсэн тохиолдолд энэ ангилалд хамаарах үндэслэл, тайлбар, нотлох зүйлийн хамт ирүүлнэ.

Мэдээллийг бэлтгэсэн \_\_\_\_\_ Нам/эвслийн/нэр \_\_\_\_\_ төлөөлж

(тэмдэг) \_\_\_\_\_ төлөөлж  
Албан тушаал Овог нэр гарын үсэг

(тэмдэг) \_\_\_\_\_ төлөөлж  
Албан тушаал Овог нэр гарын үсэг

2024 оны .... сарын .... Өдөр